



Nicolaus de Biberach optima indole præditus in omni genere literarum sese exercuit. Itaq; insignis Theologus, Philosophus, & Poëta extitit. Hic in Erphordiensi republica in precio habitus, magnam doctrinæ suæ gloriam acquisiuit, atq; iuventutem prælegendo doctiorem reddidit. Scripsit multa carmine & soluta oratione, quibus nomen suum ad posteros transmisit. atq; inter alia opus insigne de Cauendo malo composuit. floruit is anno millesimo trecentesimo Erphordiæ. Is cum aliquando Romæ fuisset, plurimum eius loci impietatem detestatus est, dicens, Romæ fidē ac pietatem esse aroma, & rē ualde preciosam. præterea

Papam & eius satellites ouium opes rapere & nulli quicquam dare. Inter alia scripsit:

Papæ dicatis precor intuitu pietatis,
 Quod stat in Ecclesia iam multiplex Simonia,
 Et mala quàm plura, quæ sunt fidei nocitura:
 Quæ si durabunt, eclipsin fortè creabunt.

Cum enim multa scelera in Ecclesia uidisset & reprehendisset, admonuit, ea nisi tollerentur, Ecclesiam & pietatem pessundatura. Tandem mortuus Erphurdiaë honorificè sepultus fuit. Trit. & M. Illyr, in Catal. test. uerit.